

Subjek: Kemas Kini Dana Takafulink – Takafulink Dana Aktif

Pelanggan yang Dihargai,

Terima kasih kerana memilih Prudential BSN Takaful Berhad (PruBSN). Kami berdedikasi untuk membantu anda mencapai ketenangan minda dengan memberikan perlindungan kewangan dan mengembangkan aset anda.

Sebagai sebahagian daripada komitmen PruBSN terhadap pengurusan dana yang lestari dan menawarkan potensi prestasi dana yang lebih baik, sukacita dimaklumkan berikut adalah kemas kini bagi Dana Takafulink kami – Takafulink Dana Aktif, menjelang akhir Mei 2025.

Ringkasan kemas kini:

| | |
|--|--|
| Dana | Takafulink Dana Aktif |
| Apakah perubahannya? | Perubahan pengurus dana dan dana sasaran daripada Eastspring Investments Islamic Small-cap Fund kepada United-i Malaysia Discovery Fund. |
| Tindakan yang diperlukan | Walaupun tiada tindakan diperlukan, terdapat pilihan untuk menukar dan/atau menyalurkan sumbangan berulang kepada dana lain. |
| Apakah yang akan berlaku jika tiada tindakan diambil? | Tiada perubahan kepada unit pelaburan sedia ada dalam dana dan arahan penyaluran sumbangan. |

Untuk maklumat lanjut mengenai pengemaskinian ini, sila rujuk kepada Soalan Lazim dan butiran dana yang tersedia di Laman Web Korporat kami: <https://www.prubsn.com.my/ms/takafulink-funds-performance-information/>.

Kami memberi jaminan bahawa perubahan ini tidak akan melibatkan sebarang bayaran tambahan dan perlindungan Takaful anda akan kekal tidak berubah.

Jika anda mempunyai sebarang pertanyaan, sila hubungi ejen yang berkhidmat/wakil bank anda. Anda juga boleh menghubungi kami melalui e-mel di customer@prubsn.com.my atau menghubungi Wakil Perkhidmatan Pelanggan kami di +603 2775 7188.

Terima kasih atas kepercayaan dan sokongan berterusan anda.

PRUDENTIAL BSN TAKAFUL BERHAD

[Nota: Ini adalah dokumen yang dijana oleh komputer dan tidak memerlukan tandatangan. Maklumat adalah setakat 11 Januari 2025.]

Sila abaikan surat ini jika sijil anda tidak lagi berkuat kuasa pada masa anda menerima surat ini.

Soalan Lazim

Kemas Kini Dana Takafulink – Takafulink Dana Aktif (TDA)

1. Mengapakah PruBSN mengemaskini dana sasaran untuk TDA?

TDA kini melabur dalam ekuiti patuh Syariah dengan permodalan pasaran sehingga RM5 bilion pada titik pembelian melalui Eastspring Investments Islamic Small-cap Fund untuk pendedahan ekuiti. Bagi memberikan nilai yang berterusan kepada pelaburan anda dan menggalakkan pengurusan dana yang lestari, kami akan mengemaskini dana sasaran.

2. Apakah perubahan dalam dana sasaran untuk TDA?

Dana sasaran untuk TDA akan berubah daripada Eastspring Investments Islamic Small-cap Fund kepada United-*i* Malaysia Discovery Fund ('Dana Sasaran'). Untuk menyelaraskan tanda aras prestasi TDA dengan Dana Sasaran, tanda aras prestasi TDA akan berubah daripada Indeks Syariah FTSE Bursa Malaysia Small Cap kepada 40% Indeks Syariah EMAS FTSE Bursa Malaysia + 60% Indeks Pulangan Harga Syariah FTSE Bursa Malaysia MidS Cap.

3. Bagaimanakah perubahan dalam dana sasaran untuk TDA ini memberi impak kepada pelaburan sedia ada saya?

Tiada impak kepada pelaburan sedia ada anda. Kemas kini ini berpotensi untuk menghasilkan prestasi dana yang lebih baik dalam jangka masa panjang. Untuk maklumat lanjut, anda boleh merujuk kepada butiran dana yang tersedia dalam laman web kami di <https://www.prubsn.com.my/ms/takafulink-funds-performance-information/>.

4. Bolehkah anda jelaskan dengan lebih lanjut mengenai Dana Sasaran baharu - United-*i* Malaysia Discovery Fund (UMDF)?

Dana Sasaran berusaha untuk mencapai objektif pelaburannya dengan melabur sekurang-kurangnya 70% daripada Nilai Aset Bersih (NAV) dalam ekuiti patuh Syariah dan sekuriti berkaitan ekuiti patuh Syariah dengan permodalan pasaran sehingga RM5 bilion pada titik pembelian. Untuk maklumat lanjut tentang UMDF, anda boleh merujuk kepada <https://www.uobam.com.my/our-funds/allfunds.page>.

5. Apakah perubahan dalam pengurus dana untuk TDA?

Pengurus dana TDA akan di kemas kini daripada Eastspring Al-Wara' Investments Berhad kepada Prudential BSN Takaful Berhad untuk pentadbiran operasi TDA. Dana Sasaran akan terus diuruskan oleh pengurus pelaburan profesional.

6. Bilakah kemas kini TDA akan berkuat kuasa?

Kemas kini TDA akan berkuat kuasa menjelang akhir Mei 2025.

7. Apakah yang akan berlaku kepada pelaburan saya dalam TDA selepas perubahan?

Pelaburan asas sedia ada dalam TDA akan diperuntukkan semula daripada Eastspring Investments Islamic Small-cap Fund kepada United-*i* Malaysia Discovery Fund.

8. Apakah yang boleh saya lakukan jika saya memilih untuk melabur dalam dana lain selain daripada TDA?

Anda mempunyai pilihan untuk menukar unit pelaburan sedia ada anda dan mengubah hala sumbangan anda kepada dana lain yang ditawarkan oleh sijil anda mengikut tahap toleransi risiko dan keutamaan pelaburan anda. Untuk berbuat demikian, sila lengkapkan boring “Permohonan untuk Penambahan, Pengeluaran, Pertukaran atau Penghalaan Semula Sumbangan” yang boleh diperolehi daripada <https://www.prubsn.com.my/ms/forms-documents/> dan hantarkan borang yang lengkap melalui e-mel di customer@prubsn.com.my atau ke cawangan terdekat.

9. Bilakah saya boleh mengubah hala sumbangan berulang saya?

Anda boleh mengubah hala sumbangan berulang anda pada bila-bila masa. Ubah hala sumbangan berulang kepada dana pilihan anda akan berkuat kuasa pada tarikh akhir sumbangan anda yang seterusnya.

10. Adakah terdapat sebarang bayaran tambahan kepada saya?

Tidak, tiada bayaran tambahan akan dikenakan kepada anda. Perlindungan Takaful dan caj pengurusan dana anda akan kekal tidak berubah.

11. Apakah yang perlu saya lakukan jika saya memerlukan bantuan segera atau mempunyai soalan tambahan?

Sila hubungi ejen yang berkhidmat/wakil bank anda. Anda juga boleh menghubungi kami melalui e-mel di customer@prubsn.com.my atau menghubungi Wakil Perkhidmatan Pelanggan kami di +603 2775 7188.